



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa
Distritu Manatuto
22 Feveiru 2015

JSMP realiza treinamentu kona-ba “Justisa ba ema hotu” iha Suku Hatu-Ralan

Iha loron 20 Feveiru 2015, Unidade Peskizador Jurídiku, JSMP realiza treinamentu kona-ba justisa ba ema hotu ba comunidade iha Suku Hatu-Ralan, Sub-distritu Laléia, Distritu Manatuto.

Treinamentu ne’e partisipa hosi ema hamutuk na’in 30 ne’ebé kompostu hosi feto nain 21 no mane nain 9 ho kompozisaun partisipantes mai husi estruktura suku no comunidade sira iha suku refere.

Materia treinamentu mak kona-ba direitus umanus, kna’ar autór judisiáriu sira, lei formal ne’ebé vigor iha Timor Leste, tipu kazu krime tuir lei aplikavel no oinsa atu asesu ba justisa formal wainhira sai nu’udar akuzadu ka vítima iha kazu krime.

“JSMP vokasionadu atu kontinua programa divulgasaun lei no funksionamentu sistema justisa formal tanba importante tebes ba comunidade sira iha area rural atu akompaña dezenvolvimentu no dezafiu sistema justisa formal iha Timor-Leste, oinsa sira bele kontribui hodi hametin ita nia sistema justisa,” dehan Diretór Ezekutivu JSMP, Luis de Oliveria Sampaio.

Xefe Suku Hatu-Ralan, Sr. Gaspar Jose F. da Costa iha sesaun abertura agradese ba prezensa JSMP ne’ebé realize treinamentu importante ne’e iha suku Hatu-Ralan. Sr. da Costa haktuir katak treinamentu ne’e importante tebes ba comunidade suku Hatu-Ralan atu ajuda sira kompriende no hatene diak liutan ita nia lala’ok prosesu justisa formal iha Timor Leste.

Aleinde ne’e, xefi suku mós informa katak Suku Hatu-Ralan kleur ona hein programa treinamentu husi JSMP kona-ba Justisa formal, ne’ebé rekomenda husi PDHJ atu suku bele konvida JSMP hodi bele hala’o treinamentu iha suku ne’e.

JSMP observa katak partisipante sira ativu tebes hodi klarifika liu-liu kona-ba prosesu atu rezolve krime públiku no krime semi públiku, inklui kazu violénsia doméstika no violasaun seksuál. Atu aseguira katak informasaun hirak ne’e bele too ba comunidade sira seluk, JSMP husu ba partisipante sira atu hatutan informasaun ne’ebé sira hetan ona ba comunidade sira ne’ebé la partisipa iha treinamentu refere.

Trenaimetu nee realiza tanba hetan apoiu hosi Finland. Tuir planu trenaimetu hanesan ne’e sei realiza iha Aileu iha fulan Feveiru 2015 nia rohan.

Atu hetan informasaun kle’an favor kontaktu direktamente:

Luis de Oliveira Sampaio
Diretór Ezekutivu JSMP
Diresaun e-mail: luis@jsmp.minihub.org
info@jsmp.minihub.org
Telefone: 3323883 | 77295795

Rua setubal, Colmera, Dili Timor Leste
PoBox: 275
Telefone: 3323883
www.jsmp.tl
Facebook: www.facebook.com/timorleste.jsmp
Twitter: @JSMPtl